

Եւ ի նոյն ժամու գնացեալ և լացեալ զանկատիւ առ
Ղալֆան եթէ Զորս զիտէաք բարեկամ՝ տես թէ ի՞նչ
արարին: Ի կնունք էաք Ֆէհրդի որդոյ:

Եւ Բշի (8 Փետր.) երեկոյին ի պատիւ Ծառուկի:

Ուրբաթ օրս (12 Փետր.) ջհուտ գող մի ըմբռնեալ
ընդ որդոյն և հրամայեաց փաշան կախել, և տարեալ
ի սահման չրէիցն, որ Մէյտանճըք ասի, կախեցին և
զորդին եզին ի նաւս պատերազմին: Եւ զայս տեսեալ
չրէիցն՝ զրոհ տվեալ ի ժողովրդանոցն, խորհուրդ ա-
րարեալ և գնացեալ տվեալ դրամս փաշային, և նոյն
ժամայն իջուցին զնա և թաղեցին: Այս էր ջան՝ զի
մի ազճատեսցի անուն ազգին, զի յանպատրաստու-
թեան կալն, զայն հրէան եկեալ ի Նիկոմիդեայ ի փա-
խըստենէն, որ գնացեալ էր աստի և եկեալ թէ տեսցէ
զորդիսն և զկինն և դարձցի յերկիրս հեռաւորս, և
կալան զնա՝ վասն որոյ և կախեցին:

Փետրուարի ԻԱ. բարեկենդան. ԻԳ ձուճազլ
ախըր:

Դշի առաւօտուս (24 Փետր.) հիւանդացաւ Տէր-
տէրն. և Զշի (26 Փետր.) ոչ գնացի ի խանութ վասն
հիւանդութեանն, և Կիրակի (28 Փետր.) արուն առաք
և բարեկամք և սիրելիք զային և երթային հանապա-
զօր, սակայն ախտ ցաւոյն սաստկացեալ լինէր, մին-
չեւ կարգացաք առ Աստուած մեծաւ յուսով, և Սուրբ
Թորոսի Շաբաթ օր (6 Մարտ) հազորդեցաւ և յետ Գ-
ժամու քրտինք բղխեաց մինչ Բշի (8 Մարտ), և ապա
սակաւ սակաւ նուաստացաւ ցաւն մինչ Մարտի Ը յեր-
րորդում չարաթու պահոցն, և ապա օրս գնացի ի խա-
նութ: Վասն որոյ և այսմ զբաղմանց խափանեցաւ իր
գրոյս, բայց փոքր ի չատէ զոր երթեալ նստէաք մերձ
առ իշխանսն՝ լսէաք զոր լինէրն:

Եւ յաւուրս յայսմիկ կեօնճիք գնացեալ առ փա-